



Comunu de Santu 'Asili 'e Monti

Provìntzia de su Sud Sardigna

Bia de Croce di Ferro 32 - 09040 Santu 'Asili(SU)

VERBALE DE DELIBERATZIONE DE SA GIUNTA COMUNALE

N. 63 de su 15/06/2023

OGETU: Adesione a s'iniziativa de costituzione de unu comitadu de Comunos de sa Regione Sardigna de oposizione critica a sa nàschida sena controllu de parques eòlicos in su territòriu regionale.

S'annu 2023, sa die 15 de su mese de Làmpadas a ora de is 09.45, cunvocada in manera regolare, s'est atobiada sa Giunta Comunale, in su respetu de is formas istabilidas dae s'art. 17 de su Regulamentu pro su funtzionamentu de sa Giunta comunale, aprovalu cun deliberatzione de su Cunsìgiu comunale n. 6 de su 28.03.2022.

Resurtant presentes is Sennores:

NÙMENE	INCÀRRIGU	PRESENTES	AUSENTES
PORRU ALBINO	SÌNDIGU	X	
LACU ALESSANDRO	VITZE - SÌNDIGU		X
CORDA ANTONINO	ASSESSORE	X	
SERRA FABIANA	ASSESSORA	X	
LECCA ROBERTO	ASSESSORE		X

TOTALES :

3

2

Partètzipat su Segretàriu Comunale Dessì Elena. Su Sig. PORRU ALBINO - Sìndigu assumet sa Presidèntzia e decrarat aberta sa setziada pro sa tratatzione de s'argumentu postu in ogetu

SA GIUNTA COMUNALE

Premìtidu chi is ùrtimos interventos normativos in matèria de cuntinimentu de s'ispesa energètica, in particolare su Decretu-Lege 1 martzu 2022, n. 17, cunvertidu cun cambiamenti de sa Lege 27 aprile 2022, n. 34 e su Decretu-Lege 24 freàrgiu 2023 n. 13, cunvertidu cun cambiamenti de sa Lege 21 aprile 2023 n. 41, ant simplificadu meda is protzeduras pro sa cuntzessione de is autorizatziones pro sa realizatzione de impiantios alimentados dae fontes de energia rennoaditza, de su fotovoltàicu a s'eòlicu, chi gràtzias a custos s'Itàlia punnat a reduire is emissioni de CO2 e sa dipendèntzia energètica dae is s'àteros Paisos;

Cunstatadu chi in riferimentu a su chi est acontessende mescamente de su territòriu regionale sardu, est possibile faeddare de unu beru “fàr west” energèticu, chi bidet sa nàschida esagerada de propostas progetuales, in bona parte giai realizadas, pro sa creatzione de parques eòlicos a impatu ambientale e paesagisticu forte meda. Sa normativa subraremonada in beridade at fatzilitadu meda is protzeduras de simplificatzione amministrativa pro s'emissione de is autorizatziones sena unu controllu adeguadu de is interessos in giogu, limitende meda sa partetzipatzione de is comunidades locales interessadas, cunfinadas isceti a osservadoras, bogara dae su protzessu detzisionale e de autorizatzione;

Cunsideradu chi :

□ s'isvilupu de is energias rennoaditzas, siat puru auspicàbile comente fonte de produttione energètica essenziale pro assicurare s'autonomia energètica de sa regione Sardigna, in un'òtica de de sustentabilidade ambientale e de isvilupu sòtziu econòmicu, capassu de favorire siat is produttiones locales prus tradizionales, siat cuddas prus innovativas, torrende a echilibrande su pesu de is custos energèticos pro is famílias e is impresas Sardas, non podet non previdere su cumpartzimentu cun is comunidades locales interessadas, prus che totu de cussa de is territòrios in ue benint realizados in prus chi is comunidades chi subint su cambiamentu de su paesàgiu e de su panorama osservàbile;

□ sa realizatzione de is impiantios de produttione energètica dae fontes rennoaditzas e, in particolare, is chi isfrutant s'atzione de su bentu e su calore de su sole, in resone de s'impatu chi presentant respetu a s'ambiente e a is chi ddoe bivent, a su paesàgiu, a s'assetu idrogeològicu, ma fintzas a su potenziale disacatu a su patrimoniu archeològicu e culturale, mancari a su presente non tzensidu, podet agatare in s'aportu de connoschèntzia e propositivu de is realidades locales interessadas unu fattore fondamentale in su sebestu de is mègius soluzziones atuativas, in un'òtica de valutatzione de is vàrios interessos, a s'ispissu in cuntrastu, de giùghere a s'ntesi;

Rilevada duncas sa netzessidade, a fronte de sa nàschida de impiantios de produttione energètica de semper prus mannos, isceti pro satisfàghere petzi is interessos econòmicos de is multinatzionales a disacatu de sa sustentabilidade de is interventos e sena donare cura a is impatos ambientales chi nde cunsighint, de promòvere sa creatzione de unu comitadu de Comunos Sardos chi, aderende a custa iniziativa, cunsertent a pitzu de sa netzessidade chi is iniziative impresariales benidoras de realizatzione de parques eòlicos derivent dae una faina sèria programatzione e pianificatzione, completa e aprofundida, chi:

- interesset is comunidades locales interessadas, cun sa previsione de interventos de cumpensatzione cunsistentes, seguros e definidos a parziale ristoru de is discumbènios enormes subidos;

- previdat s'adotzione de mesutaas chi garantant in manera cuncreta chi s'ònere e is custos pro su ripristinu de s'istadu de is logos e s'eliminatzione de is impiantios, siant issos eolico, siaant fotovoltàicos, puru de is istruturas connètidas relativas, lòmpidos a s'agabbu de su tziclu produttivu, siant e abarrent a càrrigu totale de su sugetu realizadore e impitadore de is impiantios etotu, o de chie ddoe at a gestire in su tempus, cun sa garanzia donada dae sa costituzione de unu fundu frutiferu vinculadu, chi tenet comente ùnicu beneficiàriu su Comunu mere de is territòrios acant ant a èssere realizados is impiantios;

Retentu duncas doverosu promòvere s'amparu e sa valorizzatzione de su territòriu regionale Sardu comente elementu imprescindibile e identificativu de is comunidades locales nostras, pro more de preservare totu su patrimoniu ambientale e naturalisticu de sa Sardigna, in collaboratzione cun is

àteras pùblicas amministrazziones de su territòriu regionale, favorende in prus sa crèschida e s'isvilupu sòtziu econòmicu sustenibile de s'isula nostra;

Pigadu atu de sa deliberatzione de sa Giunta comunale de su Comunu de Scalepranu n. 22 de su 11.05.2023, a ogetu “Promotzione de sa costituzione de unu comitadu de Comunos de sa Regione Sardigna de oposizione critica a sa nàschida sena controllu de parques eòlicos in su territòriu regionale”, chi bolet promòvere sa costituzione de unu comitadu de Comunos Sardos interessados a is problemàticas subra inditadas, pro more de cunsertare una linia de atzione uguale de sighire pro sa propositzione de is rechestas pròpias a livellu regionale e ministeriale;

Retentu de aderire a s'iniziativa in ogetu, pro more de printzipiare unu percursu comunu de atzione a amparu de is interessos de is comunidades rapresentadas;

Reconnota sa cumpetèntzia pròpia a deliberare, a norma de s'art. 42, comma 2, lìtera 1), de su D. Lgs. 18 austu 2000 n. 267;

Cunsideradu chi non tenende su presente àutu calicuna rilevàntzia econòmica no est netzessàriu achirire calicunu parre, cunforma a s'art. 49 de su D.lgs. 18 austu 2000 n. 267;

DELÌBERAT A MANERA UNÀNIME

1) De aderire a s'iniziativa de s'istitutzione de unu comitadu de Comunos Sardos chi, pro is motivatziones narados in premissa, cunsertent subra sa netzessidade chi is iniziativas impresariales imbenientes pro sa realizatzione de parques eòlicos in su territòriu regionale derivent dae una atividade de programatzione e pianificatzione sèria, cumpleta e aprofundida, chi:

- interesset is comunidades locales interessadas, cun sa previsione de interventos de cumpensatzione cunsistentes, seguros e definidos a parziale cumpensatzione de is discumbènios enormes subidos;

- previdat s'adotzione de medidas chi garantant in manera cuncreta chi s'ònere e is custos pro su riprìstinu de s'istadu de is logos e s'eliminatzione de is impiantios, eòlicos o fotovoltàicos, e fìntzas de is istruturas connètidas relativas, lòmpidos a fine tziclu produttivu, siant e abarrent a totale càrrigu de su sugetu realizzatore e impitadore de is matessi impiantios, o de chie at a subentrare in su tempus, cun sa garanzia donada de sa costituzione de unu fundu frutiferu vinculadu chi tenet comente ùnicu beneficiàriu su Comunu mere de is territòrios acanta ant a èssere realizados is impiantios;

2) De trasmitere sa deliberatzione presente a su Comunu de Scalepranu, in calidade de ente promotore de s'iniziativa, pro more de cunsentire sa collida de is adesiones e donare aviu a sa costituzione de su comitadu.

Su presente verbale, a pustis de letura e cunfirma, benit firmadu comente sighit:

SU PRESIDENTE
F.du Porru Albino

SU SEGRETÀRIU COMUNALE
F.du Dessì Elena

TZERTIFICADU DE PUBLICATZIONE

SU SUTASCRITU SEGRETÀRIU COMUNALE, BISTOS IS ATOS DE UFÌTZIU,

ATESTAT

Che sa presente deliberatzione in aplicatzione a su T.U. 18.8.2000 N° 267:

- Est istada POSTA IN s'Albu Pretòriu de su Comunu pro 15 dies sighentes comente resurtat dae s'albu pretòriu in l'ìnia (Art. 124, comma 1°).
- Est istada comunicada in manera cuntestuale a is cabusgrupos (Art. 125).

SU SEGRETÀRIO
COMUNALE
F.du Dessì Elena

Pro còpia cunforme a s'originale suo a usu mministrativu.

Santu 'Asili 'e Monti, 21/06/2023

SU RESPONSÀBILE DE SU SERVÌTZIU
AMMINISTRATIVU
